

# ALL NATIONS GOSPEL PUBLISHERS



[www.angp-hb.co.za](http://www.angp-hb.co.za)



[info@angp.co.za](mailto:info@angp.co.za)

*BIMOBA Heart Book*

# **NISSARIK PAR**

Copyright ANGP

**COPYRIGHT**

**ISBN 1 - 919852 - 35 - 2**

**ALL NATIONS GOSPEL PUBLISHERS**

**P.O. BOX 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)

# NISAARIK PAR

## YENJIANTU DIIUK AMII SINTAANII TOONTUN-DIIUK

(Joonn 3:4-10)

Fii karin gbouŋ na fan jii ki bir a par ni ki lii tee nan mianu na ki a fit kii gorii kii laat a mɔŋ li ni. Faa tee tingbanweirɔɔ, koo Yenweirɔɔ, koo wunba ki waa Yiisa amii wunba nyii Yennu boorie, a saa la a mɔŋ nan Yennu nba laata bianjinba na. “Nisaarik gorii linba be niro paake ŋaan min ŋarin gorii par nie.” (1 Sam. 16:7). Yennu laat timm nan taa tee bianjinba nae.

Sintaaniie tee faak damm kur chanba. Ŋɔɔe tee Bunbɔnn nan tingbouŋ na paak bat, wunba tuu lebit u mɔŋ ki tee nan yentu malaka na, ki kpann jab nan poob ki bi ki tɔk sɔnu fanu. Mɔtana, nan yoo nba gar, faak sɔkiniinba be, ki tuu lebit bi mɔŋ ki yaa bi tee Yiisa sɔkiniinbae. Li ki tee bakintinauŋ kimaan Sintaanii fit kpanfir u mɔŋ yentu malaka. (2 Kor. 11:13-14). Sintaanii nba tee tingbouŋ na bat, na dia niib bunbɔnn nie bianjinba ki bi kan la nan Yennu lomm amii Yiisa din kpo a wun fatibe. (2 Kor. 4:4). Sintaanii damm kur nan binba ki mɔk yada na kpoe sei ni, ki bia tee jɔɔnii Yennu boor. Tingbouŋ na ni bonbiire ŋmantirib (Efe. 2:1-2) lii kii tee ki bi ninbina munti kaa, baa bot bianjinba na bi kpan saa far-kangbennuk nie. Daansɔɔ nba yaa a, “Min ki mi tun biiti” u kpann u mɔŋe, kiman “Yennu bik na nba dɔkit linba poe na, a wun tan biir Sintaanii nba tuun linba.” (1 Joonn 3:8). “Li paak mɔtana jii i mɔŋ ki tur Yennu. Yetir Sintaanii man ki u saa tin nyikit. “Nakint Yennu man ki u mun saa nikinii.” (James 4:7-8).

Fii karin gbouŋ na ki chakin footii na fanu, a saa la a mɔŋ par nba tee bianjinba chanba Yennu yentssaakar na saa wann a par ni binberŋ nba tee bianjinba. Sakin a biit ki daa nɔi nan a ki mɔk biit kimaan Yennu mɔmaan wantit nan “Lii tee ki ti yaa ti ki mɔk biit ti kpann ti mɔŋe ki barmɔni kaa ti ni. Tii fiit ti yanbɔmm ki wann Yennu, u saa dia u mɔsonn

nba ki u bo turit na, ki tun linba njan; u saa nyik chab ti biit ki wuur ti para.” (1 Joohn 1:1-10). “U bija Yiisa son na teen kasii biit kur ni.”

Sintaanii amii Yennu-i nmakitira ni; a tee daabire Sintaanii boor amii a tee Yennu toontunnɔɛ. Lii tee ki Sintaanii nmakitira a binberɔ a daa nɔi kaa njan fabin ki tur Yennu. Nɔɔ-e saa te fan la nyannu Yiisa sann ni, wunba din baar a wun tinn biitdamm, ki biir Sintaanii nan u yiikoo ti paak na. Nɔɔe tee ti tinntɔɔ. Fii be kasii Yennu numm ni, wuu mi a dudukit nan bontiteet nba be a binberɔ ni. A kan fit bɔr a mɔɔ nan a bontiteet Yennu boor, kimaan “Yennue nan ti tuba, u kan fit gbati? Ki nan ti ninbina u kan fit la-a?” (Yan 94:9). Yomdaano gorii bonsiar kur nba tuun tingboun na paak, a wun tur binba para be fanu nano na paɔ.” (2 Chr. 16:9).

“U chakin ti taabana nba kur ki ti nmaane. Bunbonsiar kaa ki bɔn ki saa fit bɔr nisaarik biit Yennu boor.” (Job 34:21-22).

“Njan Yiisa din ki jii u mɔɔ ki chabibii (Joohn 2:24) kimaan u mi sɔɔ kur.”

Li paak parpeenn be damm nba ki bi nyik chab bi biit nan binba ki u dii sukuru bi biit paak na. Parpeenn tee daano nba ki Yennu yaa u mɔk biit, wunba tee kasii ki faak kaa u ni.” (Yan 32:1-2).

## **FOOTI NA MBA WANT LINBA SINSINN FOOTU**

Footu na want jɔɔ amii poo pare ki li sɔb Yennu gboun ni nan u tee yanbondaano. U tee wunba ki Sintaanii nmakitira tingboun na paak nan nianchiɔɔ nan lonbiiuk nisaarik binberɔ ni. Li footu want nan Yennu nba gorii biit daano par ni ki laat bianjinbae na. Ninbina nba mɔn son son na want dayibinte nan laa sɔb bianjinba Barjokit 23:29-33; “Wantin daano nba nyu daan bonchiann wunba tuu bikin ki nyu dapaanin ki





1. BIIT DAANŌ PAR

man wanna daanɔ nba be parbiir ni, ki u yan ki be u mɔŋ ni, ki kpaan kunkɔna yoo kur. U ninbina tee sɔme ki u paak mɔk fiat, fiat nba ki u bo saa fit lɔkit. I mi fan te ki daan n jamma, li lek mɔne, ki do sib sib sib ŋmaŋ ni, ki fii nyuu lin sik fanu. Sanyiɔku fann li naan walabirik nba tuu juma nae. A sii gorii ki ki laat fanu, a ji ki mɔk dudukit li yoo amii a kan fit pak fanu.”

Footu na tiŋ po, a saa la nisaarik par ki li gbee nan bonkobit. Bonkobit na kur mɔk laa want biit nbae nisaarik par ni, nisaarik par nie tee siaminba ti biit pɔt. Yennu pak Jeremaya gbouŋ ni a, “Sɔɔ kaa ki saa bann nisaarik par ni. Siar ki be ki mɔk faak nan ŋann na; li yiar yiaru nba kan fit tebe. (Jeremaya 17:9).

Yiisa tiɔŋ yaa, “Nisaarik par nie ki dudukiit nyi ŋanne te ki u tuun biit; ki fiar leeb, ki kpi, ki tuun bonchinchontoona ki mɔk jawuuk nan faak, nan jakint binberŋ nan ninpupurii, nan niib sanbiiru, nan wantin-mɔŋ nan jat binberŋ linba kur nyi nirɔ par nie teenɔ jakint.” (Mark 7:21-23).

**1. TOROTORO** – nɔɔŋ maŋ tee wunba gbanu ŋanne niib nuniipo. ŋanne wantit footu na ni wanti-n-mɔŋ daanɔ. Lusifa din tee yentu malakae, yosau u din kɔŋ u yiar na, kimaan wantin-mɔŋ paak ki u ji teen Yennu dataak, ŋɔɔe tee Sintaanii na. (Aisaya 14:9-17; Esekiel 28:12-17).

Wantin-n-mɔŋ nyii Yendɔŋ ni muu sinsuuk nie, ki want u mɔŋ sɔni bonchiann ni. Siab wantin-mɔŋ nyi bi mɔkituk nie, siab mun baa saan sakura ki dian bianjinba, ki siab lia likirii tiat, ki leeb nyikit bi gbanu paanu ni ki ki tiin fei, ki lia laani nba ŋan, ki bia piir niipitŋani, nan banii nan bona bonchiann nan laa wann bonŋann bianjinba. Aisaya kadaauk ni 3:16-24. Siab mun want bi mɔŋ ki gaan bi yeejamm poe, baa nyii siaminba, bi danmaruŋ nan bona bonchiann ni, ŋaan tamma nan “Yennu kɔn nan wantin-mɔŋ daanɔe ŋaan sommit binba sikint bi mɔŋ.” (1 Peter 5:5). Yennu nan wantin-mɔŋ nan binba gorii ki bi chee leeb. (Barjokit 8:13). “Wantin-mɔŋe baat nan nirɔ binberŋ

biik, ki japaat mun baat nan nirɔ baak.” (Barjokit 16:18).

**2. BOK** – Bok mun want nirɔ nba be nirɔ ni bianjinbae, li bontiteebiit nan, bonchinchontoona. Biit nba ki ti piak li po na narin yabit bonchiann mɔtanawa, yojoontii na paak te ki Yiisa din pak bianjinba na, nan li tan saa tun bina tusa njanlee nba gar na. A dajoontii yoo tan sii tee nan Sodom nan Gomora nae. Toonbiit na booru koo kaa soor jab nan poob kenken, ki bia koo Yenwiera nei ni nan sakura ni nan saamm gingaar boa, njan tonu binberɔ nan kan tin fei nan faake be nisaarik par ni, kimaan bi koo sinii ki barii bontiteet nba tuun nan bona bonchiann nba pukin ki tee li booru. Linba ki Yennu yir biit na ji tee mɔtana bontiteengante. Nipaaunɔ tusaa tusaa nyi nan binberɔ booru na sinii gotu nie. Ki dukii a li njanne njan bi tuu tan la, ki bi be daamii nan fei nie ki ji mo koo. Jab nan poob nba nyint sinii ki niib barii na, njanme kooont nipaaunɔ man para. Sawadiit mun bia tee siaminba ki bontiteebiit pɔte. Yennu popeendamm nba tee nan Joosef na (Pinpiik 39) bi leebe ki bi jikit tee bikina. Zulu teeb nba lek din tee tingbanmannteeb na, bi din tuu kpi wunba kur tun bonchichontoonne, bi saa fit tumii yoo na niib yan, ki bia pak biirit Yennu buut daar. Yennu piakit nan ti daa jerin nan bonchinchonsin njan kii lokitiri. “Biit nba kur ki nirɔ tun li ki biir gbanant; njan nirɔe tun bonchinchontoonne biir u mɔn gbanante. A ki mi nan a gbanant tee seyeerɔ njaake? Wunba be a ni na, njan ki Yennu turii, i ki yen a mɔn kaa, Yennue yenii.” (1 Kor. 6:18-19). “Li paak daano nba biir Yenjiantu njaasaaka man Yennu mun saa biirɔwa. Yenjiantu njaasaak na tee kasiie, ki yimme tee jiantu njaak man.” (1 Kor. 3:17).

**3. DOORIK** – piakit ki jiin dayibu nan jedyana yana poe, u tee bonkobjakinne ki nak linba kur ki u jar, li bonjana nan bonbiit kur, n nae mun ki biit daano par gaan jakint dudukit nan dudukbiit booru booru, li footii koo sobinii. Gbanant tee Yennu binbeboore, njan li teen gbanant na jakint nan bondidiit nba saa turit daje, li tabnyunu koo tabpianu koo nyokbinpaara nyunu, koo nyokii nba ki nirɔ saa nyu ki yib nan bonlia bonchiann. Tabnyunu nan nyokbinpaara nyunu mantik

soor jab nan poob mɔtana, ɲaan li din tuu ki tee nna. Yennu yikoo kooe saa fit nyinn binba ki tabnyunu soorib ki teemm daaba na Sintaanii nuu ni. Niib bonchiann nba mantik tuun Yennu toona na kan mi nyu tabir Yenjiantu ɲaak ni, bi mi nan li tee sukite ki teen Yennu, bi ki mɔk niɔŋ nan bin jii mɔpɔɔsa na ki teen bi mɔŋ gbanant ni ki biir siaminba tee Yennu binbe boor na. Yennu sokinii Paul yaa “Mamɔmm i mi.” “Nan i tee Yennu ɲaake ki Yennu seyeeg be i ni! Li paak fininba biir Yennu ɲaak na, u mun saa biirawa.” (1 Kor. 3:16-17; 6:18-19).

Jawudaano kur tee nibiiuko ki ki tee siar Yennu boor. Ti di a tii be-e; ti ki be a tii di jeet kaa, kon saa fit gbenn lii tee ki a dii jeet ɲaan jawuuk sii bui-e yoo kura, “Turin, turmin!” “Turin! turmin!”

Jawudaano kan mi gboo, u poor kan mi gbee, Yennu gboun-kperuk ni, sennu yaa a bin tuu jaat jedichiouŋ daano nan danyuyukpeenn tana ki kpiu. (Sennu 21:18-21). “Danyuyukpeenna nan jedichiouŋ damm sii be talas nie. Lii tee ki a toon tee fan tuu di ki door goon kuukooe, a ki fok nan fan lia bonchiat.” (Barjokit 23:21). Tiat nan mɔkitsɔɔ din be, ki tee jedichiouŋ daano nba tee u mɔŋ bonlonkaa daabir, ki tan kpo ki saan koo muu ni Yendouŋ ni, siaminba ki u dii wahala bonchiann. Daan biit ki tee linba ki ti ki piak li po bonchianne, li tee linba ki ti mi li poe, ti daa diar ki tee jeruku. Yennu piakit yeenin nie u gbouŋ ni, a danyuyukpeenn tan kan koo Yennu ɲaanaan ni. Bia-a ki tee jeet kaa ɲaan li tee daame, linba na saa fit ɲmat ti dudukit ki te ki binba yib na, ji tuun jati jati, bi ji ki mi baa tuun linba, bi tuu tan kpi bi leebe linba bo ki tee bin tumi. Fii nyuu daan bonchiann a tuu piak ki fu nan jatuk nae. Li tee jatie nan fan nyun daan ki yib.” (Barjokit 20:1).

Binba ɲaa dapaarin ki koi na bi mɔk biit Yennu boor, kimaan Yennu yaa a, i boontaa i tee niyanae dalenn ni, i mɔk para ki ki tiin siar daan ɲmatuu yoo. (Aisaya 5:22). “I boontaa, i donn wutoore ki butin ki bia dinn i leeb na fei; ki te ki bi

lian nan bi nyuu yib na.” (Habakuk 2:15). “Mamɔmm, i mi nan nitont na kan mi kɔɔ Yennu ɲaanaan ni, i daa kpann i mɔɲ, ki-i mi nan biit damm tan kan kɔɔ Yennu naan ni, binba tee joonbaarit koo bonchinchonna koo patmannteeb koo jab nba dɔɔ nan jaleeb koo nanyukii koo niɔɲchiɔɲɔɲ damm koo danyuyukpeena koo sanjaanjanna koo fat teeb binba na kur nan bi yenoɔɔwa kan kɔɔ Yennu naan ni.” (1 Kor. 6:9,10).

Toonbiit nba ki nisaarik tun, u ki kpet kaa ki tumii. Li yenn nbae na: “Bonchinchontoona nan jakint toona nan lammeeuk nan patmannu nan nyɔkdinu nan dataar nan kunkɔna nan funfunbiik nan wutoor nan bɔkituu nan lukitin nan punponn nan dayibu nan lorkpeena. Ki bia jii bonlia nba naan nna ki pukin. N beeri nan maa poɲ beti bianjinba nae. Binba tuun linba na kan mi kɔɔ Yennu naan ni.” (Galasia 5:19-21). “I daa nyu daan yib-i, ɲann saa biirie, ɲaan i yabir i mɔɲ paak kii gbree nan Yennu seyeɲ.” (Efesus 5:18).

Yiisa baantir sɔɔ kur ki jiin manfoor nyun po. “Wunba ki nyunnyukuru mɔkɔ wun baar, n boor ki tan nyu.” (Jɔkɔnn 7:37-38). “Wunba kur ki nyunnyukuru mɔkɔ wun baar nyun be nna. Yimminba kur kaa likirii I baar man ki daa jeet ki di. Baat man ki daa daan nan nabiin, I kan pa siar li paaki. (Aisaya 55:1). ɲaan mii tur wunba n nyun na, ki u nyuu, nyunnyukuru kan mi soorɔ, kimaan mii tur wunba n nyun na li sii bunii manfoor nyume u ni, ki bia turo manfoor nba kaa gbennu. (Jɔkɔnn 4:14).

**4. KPAKUR** – piak gbannyakir poe, u ki kakii nan mɔsaku, ki bia tee soouk. Mɔyetuk bi nan soouk nae. (1 Samuel 15:23). “Gbannyakdaanɔ nba yeen toonn kpi u mɔɲe, u kpan kar dukii waa bo sii mɔk linba poe, ɲaan popeendaanɔ ɲarin nii yaae ki u piin piinii nan bur chint. (Barjokit 21:25-26). Joosua din pak Israel teeb a, “I daa be n na ki ki tuun siari, teent yian kii saa ki saa gaarir. (Judg. 18:9). Nisaarik binberɲ tee gbannyakire ki ki kakii nan lin gaar Yennu bona. Yiisa yet a, “See ki mukis i mɔɲ ki yebin kɔɔ tammɔyebik na ni.” (Luk 13:24). “Daanɔ nba kur kpaan u laate.” (Matiu 7:8). “Yendɔɲ

ni naan la fara nan leku ki kunkonkonna yiab a bin fatir.” (Matiu 11:12). Binbenyana yana ki jiin tinnu po nan mōmaan nba saa dinn ti sei i kaa, ḡanne tuu te ki tin kpo, kuun nba ki ti kan mi yeent. Li ḡoit ki ti ki mei Yennu, ki ki kpaan Yennu bona nba be bōr ni, ki ki saak Yennu mōsongana, ki li saa nant biiru ni. Yennui piak nana ki yaa fan yabir ki turo a par dinna, Sintaanii ḡarin tuu paka a wonna fan turo koo daar nba ki a tan la yaak, lipasiar daar maḡ kan mi baar, ki a tan tun saa kpo ki ki mōk tinnu, ki bia ki mōk Yiisa Masia. Yennu yet a, “I-i ḡbat Yennu kunkor dinna yaa daa nyar i tuba nan i yeejamm nba din nyar bi tuba bianjinba ki kōn nanō na.” (Hiibru 3:7-8). Niib bonchiann kpo ki ki la tinnu kimaan baa yaa, wonna na paak. Wonn ki tee a daar kaa.

Kperib dia kpakur wakire ki tuun soouk toona, ki li want biit nba be, binba teen soouk yada ki bia tuun li toona ki bu jabaat amii chingchij toona, ki ki teen footib Yennu yada na. Mantik bikina nan yiarii nan wahala nan kuun yoo, li piakit a tii yiin footib Yennu na sann, wunba teen siir nan wun sommit na, li ḡan tin nyik yumann nan yubonn yada teenu kimaan “Yennu-e ḡmakitir nisaarik sonu nba ki u saa tokin.” (Yaḡ 37:23). “Soo-i be i boor ki yiar, wun yiin Masiaweira saakab ki bin tan sooro kpan ti Yomdaano Masia sann ni ḡaan miar nan yada ki u saa la laafia ki ti Yomdaano saa te wun paak; ki lii tee ki u tun toonbiitie, Yennu saa nyik u biit maḡ ki chabo.” (James 5:14-16). Yennu senn Israel teeb a, “I daa jikit I waas ki mnan maruḡ i binbintaa paak ki jokitib muu, ki bia daa te ki i niib tokii ki di nyokii, koo ki waa jabaabis koo ki di bandaknyoku ki bia daa di ninnyoommii, ki bia daa di soouku. Ti Yomdaano Yennu nan niib nba tuun bonbiir na booru.” (Sennii 18:10-12). Doo na nanyer po-e ki nibiit nan binda dia jabaat ki bu kpann niib nan binba tuun jakint toona nan nikpiirit nan patmanna nan binba tee faidamm na tan sii be. (Fiitu 22:15).

I daa saa laat damm nba mōk ninnyoon na. I tun nna, i sii be biit nie. Mine tee i Yomdaano Yennu (Liifai teeb 19:13). “ḡaan niib saa beti a yin boi ninnyoondamm nan jababuura,

binba burin ki lokin na, a bin fiit maan ki turii. bi saa yet a, li tee niib n tuu boi kpinkpaarii nan kpeemme binba fo na paak. Yin jiim a, “Gbiintir linba ki Yennu wantii na, i daa gbiin ninnyoondamm yari, linba ki bi wantii na kan sommi ni.” (Aisaya 8:19-20).

Faa daa karin gbonbik na Yennu piak na nae, ki yi-a a fan nyik toonbiit n̄aan jii a manfoor ki tur ɲɔɔ Yennu, n̄aan kpa-kur seek nba be a par ni na teena dudukit booru kur a lin te ki a yet Yennu yiinii na, ki yiab a wun kɔɔna jaŋmaanii. “N naataani nan n yoosinba nan leeb nba be saa yet a bia lii tee ki bi gbat nan n ji tee Masia weirɔe? Bee saa teen lii tee ki n ji ki saa durinya jeruk nan li diina nba ni. Taa sii laat mokin chioŋ nba Yiisa Masia ni na tee bakitnauŋ parmaasir nan parpeenn nba ki mɔmaan kan fit wann fanu nan u jirima manfokangbennuk nba gbee nan parpeenne. A tuu piin ki laat bona nba saa te ki a baa koo ki n̄aatammae yoo nba ki a chab Yiisa yaak ki u be a par ni na, a daa te ki nisaarik jaŋmaani nan kuun jaŋmaani dia-a ki a tee Sintaanii daabiri. N̄aan Yiisa baar ki fat binba tee daaba na kur, kimaan baa ki tiin kuun jaŋmaani na paak. (Hiibru 2:14-15). Yaa ki kakii nan yin too nae te kii para paar nan lebitu ki wakii nan kpakur wakir na.

**5. NAAMUUK** – Naamuuk tee bonkob-touŋo ki lekin niib. Naŋ nan wutoor nan yantorimme mantik n̄mantir nisaarik par yenn yoo, li tuu tan te wun kpi nirɔ. A tuu yabir a fan maan a yantorin maŋ, n̄aan tuu tan put nan jate. Li n̄an ki fan too nan li be a par nie, ki boi Yiisa ki wun fata lu. “A daa te ki li daamia ki a don’t wutoor ki gbit a kpak, n̄anne baat nan toonbiit.” (Yaŋ 37:8). “Wutoor mɔk tonu nan biiru. (Barjokit 27:4). Soot a mɔŋ ki daa dont wutoor li tee jatiie lii tee ki a yoɔ be wutoor ni.” (Banntɔɔ gbouŋ 7:9). “I fian wutoor ki lu.” (Col. 3:8).

Jaŋmaandamm bonchiann tuu nyu daame wa, ki fit tun toonbiit koo ki fit kɔnkɔnn, n̄aan li tee “Nan daan nba ki bi jii walabirii lobii ki n̄aa nae.” (Sennu gbouŋ 32:33). Jiin pann mane ki tur

yanbɔndaano, ɣaan Yennue tee wunba daar biit damm kur tuba. Yiisa yet a “I loon a loɔ nan faa loon a moŋ bianjinba na” (Mak 12:31) “ki bia kii loon a datai.” (Matiu 5:44). Yennu turit moŋonn nan u saa nyik chab ti biit, lii tee ki ti nyikchab ti leeb nba biirit na (Matiu 6:12) Yennu ki loon niŋŋmitik nan bunburimii binbenji. Li ɣan ki nikpinu nan tɔb faanu dudukiti be nisaarik par ni, li paak see ki barmɔnii parmaasiri be nisaarik par ni, ki yukir.

**6. WAAUK** – Waauko din kpann lif Edenn kpabik ni, ki biir manu nba din be ɣoo nan Yennu sinsuuk ni na. Sintaanii din mɔk funfunn bonchiann nan Adamm nan lif you nba ki a bann ki gaar ɣoo Sintaanii yiar na. Sintaanii jii funfunne ki lor bi biiru, u din nyanne ki biir bakitinɔuŋ lomm nan manfoor nba be ɣamm nan Yennu sinsuuk ni na. Li funfunbiiuk booru nan naŋe be nisaarik par ni, ki biir parpeenn nba be bi leeb ni, lii tee ki bi la nan bi be parpeenn nan binbenŋaŋ ni. Funfunne baat nan dudukibiit niro par ni, ki biir bi leeb parpeenn, ki bia baat nan nikpinu. ɣanne mantik be pookoont ni. “Funfunne saa donn poosɔɔ wutoor ki u ji kii mɔk ninbatinu wuu yaa wun tun jii yoo nba.” (Barjokit 6:34). Toona ni nan binbebooru booru kur ni baat nan wahala nan naŋ nba ki soɔ kan fit pak li poe. Yennu toontunna, nba piak Yennu maan nan binba tee tɔondamm moŋ gbaa, ki nyii li funfunbooru ni, lii tee ki Yennu jii u toontunna na leeb ki bi tuun ki gaarib. Bii guu bi moŋ kii mɔk Yennu lomm nba ki u teen ti para ni nan u seyeŋ na. (Rom. 5:5). N nae kaa toona nba ki bi tuun ki li mɔk nyɔt Yennu boor na, funfunn saa biirira.

**7. PONTIR** – Pɔntir piakit ki jii jawuuk nan lik-lonbiiuk poe, li tee Sintaanii jiiinne. (1 Timoti 6:10). Pontsia be doo nba ki bi yi Kongo na, ki ti laat ki bi tuu di wobii bonchiann ki tan put ki kpo. Jawudaano ki teen siir nan wun tur nandamm nan talasdammm sommir-i, ɣaan koor ki tɔkii sɔnii nba ɣan nan sɔniinba ki ɣan ni a wun lon mɔkint nba yab. Yiisa tiŋ yet a, Daa bɔrii a mɔkint tingbouŋ na ni siaminba ki bonŋmingmabit nan tintanii saa biir, ki nanyuki bia saa koo ki jami. ɣaan bɔrin a mɔkint Yendouŋ ni siaminba ki bonŋmingmabit nan



tintanii kan fit biirii, ki nanyukii bia kan fit koo jami. Siaminba kia məkint be na a dudukit mun be leje. (Matiu 6:19-21). Bi din jaat Akann nan u ɲaateeb tana kimaan u din mantik loon salimmɔna nan salimpeena nan liant. (Joosua 7). Judas Iskariot, wunba din tee Yiisa poorpoweitoo na din jonn u moɲ ɲmiiuk kimaan u lik-lomm chioɲ paake din te ki u fikit u Yendaano nan u chamba.

Li ki tee likirii koo salima kaa tee biiti. ɲaan liklonbiiuk nba boɔ nisaarik par ni na. Jab nan poob tusaa tusaa, nipaauɲ nan nikpera kure boontir bi ɲaateeb manfoa nan nianbiiuk, loto tonu ni a bin la likirii. Likpaann tee nan taanii nan boi nantaar poot nae (Bi yiab a bin la likirii nan nimmɔnne). Niɔɲ nba ni ki ti saa lon likirii ki kan bak na, ɲanne baat nan nanyuk nan nikpinu nan ki kpi a moɲ. Liklomm nan jawuuk mək bi təknanleeb bonchiann, ɲanne tee sanjaann nan yiikoo, li sii fit tee gobnant yiikoo ki a dia leeb, koo likirii yiikoo ki a diin talas damm, koo jiantii yiikoo koo bi loon choot sann n do ki gar Yennu sann ki ki loon Yenweria nba ki be u choot ni, ɲaan koor a bin wei Yiisa na maan kimaan waa ki koo u choos na paak. (Mark 9:38). Yiisa ɲamm pak a, “I mi man məkint lonchioɲ po məkint bonchiann kaa saa te ki niro i mək manfoori. (Luk 12:15). Məkitsoo labaare na, məkitsooe din be ki mək tingɲaɲ ki li naan jeet bonchiann ki u tan yet u moɲ a, ‘N ki mək maa saa teen n jeet kur siaminba.’ N saa teen nlee? Ki u yet u moɲ a, “Maa saa teene na ‘N saa yeer n boɔpera nae ɲaan ɲamm maa boɔberɲa, leje ki n saa teen n dii nan n bonkukoot kura. Ki n ji yet n moɲ a,’ N mək jeet nba saa jaɲ bina bonchiann, n ji sii foie, ki di ki nyu ki mək parpeenn.” ɲanne ki Yennu beto a, “Jajatuk na! Nyiouk na a manfoor saa kat ki laan a məkint nba kia mək na ɲmee saa yenti. Ton, wunba kur tikii məkint ki teen u moɲ, ɲaan ki mək məkint Yennu boori, u mun tee nan jajatuk na nae.” (Luk. 12:16-21). “Niro-i la tingbour na məkint kura ɲaan koɲ u manfoor, nyolant poe ki u saa la. (Mak. 8:36). “I daa te ki li mukisii binberɲ po nan yaa saa di linba ki bia daa te ki li mukisii i gbanant po nan yaa saa lia linba, ɲaant kii baka i be Yennu naan ni, ki u saa jii bona nba na

ki turi, kimaan siaminba ki a məkint be na a dudukit mun be leje. (Luk 12:22-34).

**8. SINTAANII** – ƚɔɔe tee fai nan faidamm kur chamba, ƚɔɔe kpannit ki ti tuun biit, ƚɔɔe ƚmakitir ti para. Yiisa yet a, “I tee i baa Sintaanii waase, ki loon ki yii tuun i baa maƚ yanbɔɔtoona. Pinpiik niwa u tee nikpiiruko ki bia fɔk nan barmɔni, kimaan barmɔni kaa u ni nan waama. Ki wuu faar faak li poƚ tee u toonkpere kimaan waa tee faak daano na. Fai kur nyi u boore. (Jɔɔnn 8:44). Famintik mun bia bi nan fagbenjir nae. Fayeni nba tee mɔmaame ki leer tee sɔbinii, ki leer nba mun tee toonn tumu. Mɔleemii daano tee faak daano kimaan u jikit u mɔƚ ki want, waa tee wunba ƚaan ki tee nna. Yennu ki fa faak, Yiisa weiro mun daa fa faaki. (Titus 1:2). “Lii tee ki ti yaa timm nan Yennu mɔk mɔtaauk nan leeb, ƚaan ki bunbɔnn be ti ni ƚann ti fa faake ti mɔi ni, ki ti toona set want ti fa faake.” (1 Jɔɔnn 1:6). “Doo na nanyer poe ki nibiit nan binba dia jabaat ki bu kpann niib nan binba tuun jakint toona na nan nikpiirit nan patmanna nan binba tee fai damm ki kpann niib na tan sii be leƚ. (Fiitu 22:15). Yennu ki loon siara daano nba fa faak yoo ki biir leeb yoo kur na. (Barjokit 6:19).

**9. ƚMAABIR** – ƚmaabir wantit dudukit nba be niro kur par nie. ƚanne tee jakint nan yanbɔmm. Lipasiar li kpoe kimaan biit nba ki ti yoo tuun ninkɔon na paak, ki li jɔont ki tee yanbɔmm ki li te ki a ji ki fit bant a mɔƚ toona. Dudukbiit na yenn yoo li tuu ƚmine, leer yoo mun ki li tee daamiiu. U tuu nyiire yoo nba tee wun teen gafara, ki tee gafara yoo nba ki sii nyiir. Li sii kpo-e nan nantir nba tuu toƚ ki kab bont na, nisiab tan saa nyik Masia labaar nawa, ƚaan sak narinbiit nba saa kpannib na, ki bia wei Sintaanii wannu. Binba waa li kpinkpannii wannu na fa faake ki bi dudukit ji ki mukisib li paaki. (1 Timoti 4:1-2; Hiibru 10:22).

**10. NINBINN** – Yennu ninbinn laat bonsiar kur nba tuun niro par ni. Siar kan fit bɔr u ninbina nba naan muu na, li paak u mi ki bia laat bunbɔri dudukit nan lora nba be par

ni. Fii tuun toonbiit nba kur, lii tee nyiokue koo foor nba loo chibchib nie koo boot sunsuŋ nie koo siaminba nba kur, ŋaan Yennu laatir. (Ninbina nba be footu na ni na mun bia wantit niro ningorisime).

**11. MUPEENBISBIS NBA ƆƆƆ** – lint par na want Yennu lomm nba lint biitdaano pare. Yennu ki loon yanbomm ŋaan loon nisaarik, ki ki loon yanbondaano n kpo. U loon soƆ kur n nyik u biite ki tinn. (2 Peter 3:9). Yiisa din baar a wun tinn biitdamme. Biitdaano yenoɪ nyik u biit parpeenn sii be Yendouŋ ni ki jiin li daano po. (Luk 15:7). Mupeenbisbis footu na bia piakit Yiisa soƆn poe a, “Yennu maruŋ peganne na, ŋoƆe saa nyinn durinya na ŋaateeb biit.” (JoƆonn 1:29).

**12. MALAKA** – Malaka see Yennu maan taar nie. Yennu loon ki wun pak nan binba ki bi kpannib ki bi jii Sintaanii jikkpiasa na, ki bin nyik bi toonbiit soƆni ŋaan te Yennu yentu nan lomm n baar bi para ni.

**13. LANJERIK** – Lanjerik footu na tee seyeerŋ doƆko, seek nba want Yennu po nan biit po nan linba took po nan Yennu buut po. (JoƆonn 15:26). Seyeerŋ na be nisaarik par nanyeer poe, u kan fit kii be siaminba ki yambomm be na. Lii tee kia par tee nan footu na nba tee bianjiba na, fan fabin ki tur Yennu, lootir a par ki turo ki ŋaan ki u moƆmaan na yentu n koƆ li ni. “Teent ti Yomdaano Yiisa yada ki a saa la tinnu.” (Toona 16:31). Yennu loon mamomme ki u saa turit parpaann nan dudukpaann, ki saa nyinn para nba wakii nan tann na ŋaan turit moƆsaku para. (Esikiel 11:19). Linba na wann footu nba waa ŋanlee ni na.

**FOONTU NBA WAA ŊANLEE NI NA TEE PAR NBA  
LEBIT BIANJINBAE KI NYII BIIT NI  
FOOTU ŊANLEE**

Footu na want par nba lebit u binberŋ-e ki ji kpaan Yennu. Malaka na dia jukbanjiake, Yennu moƆmaan, tee barii nba “foe ki moƆk paŋ ki bia di ki gar jukbanjiak nba kur ŋma moɪ

Copyright ANGP

## 2. FOOTUU ȨANTAA NI

ɲanleewa. Yennu mɔmaan maŋ fit ɲma ki kɔɔ baat nisaarik seek nan u manfor boor ni, ki kɔɔ baat u tukita nan u kpaba beesin ni, ki bɔkitir u dudukit nan u par ni bibikit.” (Hiibru 4:12). Yennu mɔmaan na tianɔ nan “biit paauk tee kuumme (Rom. 6:23) a see ki niro kur n kpo yomkɔɔ, ki li poor po Yennu n bu u buut.” (Hiibru 9:27). ɲaan toonbiit damm nan yadkanpɔɔna damm tan sii be bootuk nba gbee nan muu ki sarwuuta di na nie. (Fiitu 21:8).

## **PAR NBA LEBIT BIAŊINBA KI NYII BIIT NI**

Ki malaka na dia yukpabuk u nuuleer. ɲanne tian yanbɔndaano nan sɔɔ kur saa kpowa. Ti gbanant nba ki ti loon bonchiann, ki lia tiat, ki di jeet ki ɲammit ti mɔɲ, ki dia ti gbanant bianjinba ki sɔɔ kur sii loonit na, li tan saa kpo-e ki bat ki nyi nanwunba ɲaan ti sei nan ti nalimii sii be yaayoo sii yoo, ki tan tikir Masia boor dayenn, ki wun bu ti buut. (2 Korint teeb 5:10).

Footu na ni, ti la nan biitdaano na piin ki gaan Yennu labaar, ki loot u par ki tur Yennu nan lomm. Seyeen na piin ki yentir u muu na bunbɔnn nan biit par na ni. Yennu yentu na baar ki ber bunbɔnn na kur ki nyinno. Yennu yentu i baar bunbɔnn tee wun yaate. Bonkob-booru booru nba be na want biite, li bonkobit kur tee bin yaate. Li paak, karintɔɔ, chabin Yiisa, ki u yentu na n baar a par ni, ki bunbɔnn nan Sintaanii toona na kur n yaat ɲaan nyika. Ki a sii be kasii nan laa wann footu na ni bianjinba na. Yiisa yet a “Mine tee durinya yeeuɲ. Wunba kur wein u saa la manfoor yeeuɲ ki kan mi somm bunbɔnn ni.” (Jɔɔnn 8:12). A kan fit ber Sintaanii a par ni a kɔɔ yabiru ni, koo a kɔɔ subini ni koo niib subinii ni. Linba tee bonjinjine tee fan chab Yiisa yentu nae yaak ki lin kɔɔ a par ni, ki bunbɔnn na n tin paak. ɲmaarik nan ɲmmabira saa fit sommit nan yeeuɲ bunbɔnn ni wa, ɲaan yonnui doo bunbɔnn nan ɲmaarik nan ɲmaabira na kur tuu bote. Yiisae tee kasii Yennu. Waa din kɔɔ Jerusalem jiantu diiuk ni na, u din ber binba koi ki bia daa na. U din chibin likpent teeb teebula nan binba koi ɲmana na kokii, ki ya a, “Li sɔb Yennu

gbouŋ ni a Yennu yaa, ‘N ŋaak na sii tee miaru ŋaake,’ ŋaan yimm kpintir ki teen fatiteebkinkar boor.” (Matiu 21:13). I para bo sii be Yennu ŋaake ki wun gbeenii nan u yentu, ki te ki lii fan nan lomm nan parpeenn. Yiisa din ki baar a wun nyinnit biit ni koo kaa, ŋaan u baar a wun bia fatit Sintaanii yikoo nie. “Lii tee ki u Bija na (Yiisa) nyinna biit ni a sii be a yamma nie.” (Jooonn 8:36).

## FOOTU ŊANTAA NI

Footu ŋantaa na ni watntit yanbɔndaano nba lebit u binberɛ. Mɔtana u ji laat biit nba ki Yiisa din kpo dapunpɔnn paak na yabint nan laa bi bianjɔnba. Waa ji laat dapunpɔnn nba ki malaka nan Yennu mɔmaan wantɔ na, li yeer par nba ki u ji gori ki li mɔkɔ nimbaauk, ki u mɔ koo nan biit nba ki u tun na paak. Waa ji gorii ki laat lomm nba ki Yennu wantoo Yiisa Masia ni, nan lomm nae borik u par, ki u ji mantik bant nan Yiisa Masia, Yennu bija na baar ki tan piin u biit kure, kimaan Yiisa din sak ki gaar u paak ki kpo dapunpɔnn paak. Lii tee barmɔnii nan bi din boo Yiisa lanbana ki yirimɔ kunkoni fokirik, ki kpa a nii nan taa, ki u kpo dapunpunn paak ti biit paak na te yabɔndaano saa lebit u dudukit fanu ki tur Yennu, ki bia lebit u par nan u binberɛ.

Waa karin Yennu mɔmaan na ki u ji laat u mɔŋ nan mi-anu na, u bant waa fokit nan Yennu ki bia yet u sennii na bianjɔnba. Ninbaauk nan parbiire gbee u ni ki u jii u par ki tur yennu nan nunnyint nan parbiir bubuik, ki Yiisa ji nakint u boor. Yennu lomm nan u parmaasir koo ti u par ni ki ti ji bant nan. “Yiisa, u bija na some yentir ti para biit kur ni.” (1 Jooonn 1:7). “Yennu ŋammit n par ki ŋamm pant n seek nan barmɔnii ki kooɔnin.” (Yaŋ gboug 51:10). Yennu mɔmaan bia yaa “N mɔk parmaasir nan binba sikin bi mɔŋ ki lebit bi binberɛ, ki tiinin ki gaar n maan.” (Aisaya 66:2). Yennu seyeerɛ na te ti Yiisa maan na tee fanu u boor. N bik i mɔk parcheenn. N Nyik chaba biita. (Matiu 9:2). Waa kpan daa gorii dupunpunn na, nan sɔn nba tat li paak ki teen yada na, nan li kur din tun ki tur ŋooe, ki u piin ki laat nan Sintaanii



3. FOOTU IJAANTAA NI

jik kpiasir na ji kaa u paaki, kimaan Yiisa poŋ dii biak nba ki ti bo saa di na wa. Ti biit paake ki bi din tur Yiisa daŋ, ki boou kimaan biit nba ki ti tun na paak. “Ti Yomdaano din te ki ti tubdatu na kur baa u paak.” (Aisaya 53).

Yennu seyeen nan Yennu lomme dia par nba tee kasii. Waa teen Yiisa yada na ki u piin ki bant nan u biit la nyikin chaba, li paak ki u ji laat moosonn u par ni nan Yiisa, Yennu bija soŋ na wuur u biit kura. (1 Joohn 1:7). Ki u ji mok tama nan wunba kur teen yada nan Yiisa, u kan kpo seek ni, ŋaan u sii mok manfokangbennuk. (Joohn 3:16). Yiisa nba nyinn u moŋ ki kpo ti biit paak na te kit ti ji be ti yamma ni, ti la nyikin chab ti biit powa. (Eph. 1:7). Toonbiit lomm nba be nisaarik binberŋ ni na ji lebit ki tee lomm nba be Yennu ni ki ti ji sii tuun Yennu toona, “ŋooe sint ki lont.” (1 Joohn 4:19). Waa bo sii loon durinya bona na, u nyike ŋaan loon Yennu bona.

Footu na ni bonkobit nba see Sintaanii taar ni na ji be par na nanyer poe, Sintaanii lek ki loon wun nyik u ŋakperiki, u bia see-e ki loon wun la yiar nba ki u saa ŋamm ŋmat u ŋaak na ni. Li paake ki Yiisa kpaanit a tii guu fanu kii meio yoo kur; ki fit lokit Sintaanii ki wun tin ŋaan nyikit. (James 4:7).

## FOOTU NBA WAA ŊANNA NI

Footu na wantit Yiiswiero nba la parmaasir nan manfokangbennuk nba nyi ti Yomdaano nan ti tinntoo Yiisa Masia kuun paake; li paak u ki want u moŋ siar ni ki li ki tee ti Yomdaano dapunpunn na paak. U dapunpunn na paake te ki durinya lomm kpo ki ti mun kpo durinya lomm ni. (Galasia teeb 6:14). “Yiisa kpo dapunpunn paak a tin mun kpo biit ni ŋaan kii be kasii benberŋ ni.” (1 Peter 2:24). Yiisa weirō kpo ki tur durinya. Sennu sennit a, “Ti te ki seek na-i ŋmakitir ti binberŋ ki ti kan mi tun gbanant loomu.” (Galasia 5:16-25).

Jiŋŋir nba ki bi din lor Yiisa li paak ŋaan soo bi poŋ liat u lianta na, ŋanne be footu na ni nan kpaasir nba ki bi din



KI KPO NAN YIISA  
Rom. Teeb 6:6

“A KPOE, KI A  
MANFOOR BE  
NAN YIISA YENNU  
BOOR.  
Kolosa 3:3



4. KI KPO NAN YIISA

dia ki boou tonu boot na. Ti biit paake ki u din la tubdatu ki ti la laafia u tubdatu nan wahala nba ki u dii na paak.” (Aisaya 53:5). Herod nan u naasaarjab din sarkitoo n̄aan soo bi poŋ boou wa, bi din dinn kunkoni fokirik ki yirimoo u yur paak, baa din saa yirimoo salimmoo fokirik na, ki jii daauk ki kubin u niidiitu ni, baa din saa kubinoo bat nba pat na, n̄aan bi din gbaan u tooone ki sarikitoo, ki yaa, “Manfofoouk i te Juu teeb kpanbar yar. Bi din sat moosant u paak, ki gaar daauk nba ki bi bio kubinoo na ki faa u yur paak. Baa sukiioo ki dinnoo fei ki gbenn yoo nba, ki bi ji tutoo liin a bin saa kpaau. (Matiu 27:27-31).

Siab be ki yaa bi tee Yiisa weirae, ki mei Yennu, ki di nalin jeet, ki yiin Yennu yani, n̄aan bi toonbiit want nan bi n̄ammit ki kpaan Yennu bik mane dapunpunn na paak. (Hiibru 6:6). “Li ki tee wunba kur yin ‘Yomdaano, Yomdaano’ kaa tan saa koo Yendooŋ ni, n̄aan see binba tuun n baa nba be Yendooŋ ni na lomm.” (Matiu 7:21-27).

Footu na ni, ti mun bia la ki likirii doo nan pakir ki tee Judas yar, wunba din fikitir ki koi Yiisa salinpeenbina piintaa, kimaan likirii lomme din gbee u par, ki u ji ki mook siara dudukit ki pukin li po. Fitir, nan jaruk, nan bonlia na tee linba ki naasaarjab na din dia ki saa soor Yiisa nan dansarikoo na nyioko. Luudu binn nba ki bi dia to naatoot nae ki naasaarjab na din jii ki to, ki chent Yiisa tiat. Bi to naatoot n tiat paak ki biit tur bi moŋ. (Yan 22:18). Bi din jii Yiisa bona kur n̄aan u moŋ n̄arin bi din yeto wa, ki yaa a, “Ti ki loon joo na wuui tee ti bati.”

Nisaarii loon bin gaar piisin kur Yennu boor, li sabaak nan yenkperik kur, n̄aan bi ki loon bin jii bi moŋ ki tun Yennu toona, wunba tee bi Yondaano nan bi chamba na. Niib bonchiann laat Yennu ki u tee wunba mantik sommit tii be daamii nan parbiir ni kuukooe.

“Naasarjab din jii kpann ki n̄muu Yiisa lokir ni yommkoo, ki soon nan nyun nyii ki luunn.” (Jokonn 19:33-37). Kojouk din tan

bui na n̄aan s̄o Piita n̄oi taar muntaawa a u ki mi Yiisa, li poor po ki u tan m̄o k̄o u biit paak. (Matiu 26:69-75). A nyi paanu bongann ki jii a par ki tur Yiisa Masia nan faa piak linba, ki bia tuun linba? Koo a tiin feie nan fan te leeb n bann nna? Yiisa yet a daan̄o nba wann niib nan u tee n ȳoɔe n mun saa teen̄o nnae, ki tur n baa nba be Yend̄oūng ni na. N̄aan daan̄o nba yetin niib boor n mun saa yet̄o n baa boor, wunba be Yend̄oūng ni na. (Matiu 10:32-33).

Yiisa bia yet a, “Wunba ki jii u kuun dapunpunn ki waami, u ki n̄an nan wun teen n poorpoweit̄o.” (Matiu 10:38). Parpeenn tee damm nba la binb̄orboor. Tanpiiuk nba tee Yiisa Masia na.

“Yaayoo nan yaayoo Tanpiiuk. Lootir ki n k̄o, n̄aant man b̄or n m̄oɔ a ni, n̄aant ki nyun nan s̄on nba nyii a lokir ni, na n piin n biit fuunu munlee. Wuutin ki n nyi li biit nan li yiiikoo ni.”


## FOOTU NBA WAA N̄AN̄ŊMU NI

Footu na want Sintaani daan̄o par nba ki Yennu jii u sukurchīoɔ nan u ninbatinu ki wuurire. Li ji kpant Yenjiantu n̄aake, ki tee Yennu n̄aak, Baa nan Bik nan Seyeen̄ nan Yiisa nba senn m̄osonn bīaɔinba na a, “Wunba kur loonin u gaan n tumiiue-e. N baa sii loon̄oɔe, ki n baa nan min saa baar kii be nan̄o.” (J̄oɔnn 14:23). Yennu ch̄orint, ki teenit piisin. U dont nisaarik Yiisa sann nie. (Luk. 1:52).

Par na ji kpant Yennu n̄aake nan barm̄onii? Biit na kur tin nyiiwa. Bonkob booru booru nba tuu be li ni ki Sintaanii, fai kur baa tuu n̄makitir̄o na ji kaa, ti laat mam̄omm seeke ji be li ni. Li ji ki tee toonbiit punp̄ot boor kaa, par na fane ki ji tee tilontik nba loon seek loona nba tee lomm, nan parmaasir nan sukuru nan burchint nan n̄amm nan yada nan sikin-n-m̄oɔ nan m̄oɔ dianu nan bonlia nba kur tee nna, ki pent Yennu nan nisaarik par. (Galasia teeb 5:22-23). M̄otana u ji tee yiiinu nba loon loon̄aie ki gaa nan nyakir. Ti Yomdaan̄o Yiisa

LOMM  
PARPEENN  
PARMAASIR  
POPEENSIN  
Galasia teeb  
5:22-23

BURCHINT  
ŊANT  
SUKURU  
SIKIN-N-MŊŊ



## 5. YENJANTU ŊAAK

Masia bunbörri man nba be ki saan gaan tilontik na po, tee ḡḡ nan Yiisa ji tee mōtaauko. Yiisa mōmaan na be u ni. (Jḡḡonn 15:1-10). Waa wur ki bia gbee nan seyeen na, u ji mōk yiikoo ki saa fit kōn nan gbanant binberḡ nan u lomm, booru booru ki kpib. (Galasia 5:24). Seyeen nae ḡmakitir u binberḡ ki u ji ki teen gbanant lomm yaaki. (Galasia 5:16). U binba jiki gaa nan bona nba ki u laat koo ki gbia koo linba be u ni, ḡaan u ji be nan yadae kimaan. “Ti yada nie ki ti kōn ki nyant durinya na.” (1 Jḡḡonn 5:4). U be nan dindanne nan tama ki li teenḡ paḡ ki u mōk tama nan Yiisa jenu pera. Ki u be ki bant Yennu lomm u ni linba be mōk mōk nan mōk mōk na.

“Parpeenn be binba para yeen paak, ḡamme tan sa la Yennu!” (Matiu 5:8). Bat Dafid nba lek din mōk mōkinchiḡ nba, nan waa din kōn ki nyann u datai ḡaan u din mi nan kunkōnjaann be u par ni, ki u la nan li kpa a talas bonchiann nan u par i be fanuki u miar Yennu a, “Yennu, ḡammit n par ki lii ḡan, ki pant n seek nan binberḡ ḡaḡ. (Yaḡ 51:10). Sḡḡ kan fit wuur u tiḡḡ pari, amii ki ḡamm u mōḡḡ par ki lii yeen, see ki u lebit u mōḡḡ ki baar Yennu boor nan Dafid nba din tun na, ki boi Yennu ki wun ḡamm u par. Yennu loon wun teen bonpanne a binberḡ ni. Lii tee kaa lik bonchiat nan bondutma a mōḡḡ ḡant paak, ki dia faak, mōsona nan yamani benu, kan te ki Yennu n jii a par ki teen u binbe boori. U yiab bonchiann ki loon wun somma, kimaan u tur mōsonn a, “N saa jōk nyun a paak ki lin wuur biit nba kur ki a tun na, tingban mannu nan bona nba kur kōḡna jakint. N saa tura parpaann nan dudukpaann. N saa jii a parbiik nba tee nan tann na ḡaan tura mōsaku par. N saa teen n seek a ni ki ḡamm gota fanu ki fii dia n senni nba ki n bo tura na.” (Ezikiel 36:25-27). Linba nae tee labaar nba nyii Yennu gbounpaauḡ ni, ki Yennu turi ki gaan u bija Yiisa Masia sann ni na.

Footu na ni, ti bia la ki malaka na ḡmat be leḡ. Yennu tur malaka nba yaak a, “Bii guu damm nba baakit ḡḡ Yennu, ki guub ki bonbisiar kan baarib. (Yaḡ 34:7; 91:11; Dan. 6:22;

Matiu 2;13; 13:39; 18:10; Toonii 5:19; 12:7-10).

Footu na ni Sintaanii bia be ki see kpia par na, ki tee nan u loon wun la yaake ki rmat koo u rakperik na ni. Li paake ki n beerii nan i chek man kii guu bongjann! I dataak Sintaanii line nan yanbor na, ki kpaan wun la soo ki sooro. (1 Piita 5:8). Yoo kur u tuu lebit u mone nan yentu malaka na, ki bikii Yennu niib nba chek bi mone paak, rnaan loon durinya na bonlolont ki yiab ki kpaan sonii nba ki u saa kpann Yennu nigankab gbaa. Lii tee ki ti yet Sintaanii u saa tine rnaan nyikit. (James 4:7).

## FOOTU NBA WAA RANLOOB NI

Ninbinyenn piint ki mune, ki u maakit ki goon sou u Yenwei binberj ni, rnaan ki ninbinleer na mun kpan gorii ki ki tiin fei, ki u lomm be durinya rnaabona ni. Yentu nba be u ni na dije, ki footu nba be u par ni na mun want waa teen siir nan wun kpo nan Yiisa bianjinba, ki baa ki ji ki see sunsonni ki bikina linto, wun ji piin teen. Sintaanii yaak, waa bo saa fiir ki set kon na, u ki fit teen nna. Waa saa gbiint Yennu kunkor na, ki u ji piin ki gbiin Sintaani kpinkpanni nan u faak mosona, u lek sii saa choote ki li tee jiantii, rnaan ki durinya na bona nionj be u par ni ki Yennu lomm na maak u ni.

U ji ki mok siaminba ki u see, ki see sonii ranlee sinsuuk ni. Ki piin ki jerin nan durinya rnaabona rnaan fa faak a u loon Yennu. Rmaabir nba be u par ni na ji ki teeno yeeunj. U ji ki dia dapunpunn na nan momiimmii rnaan ki li kpanit jik-kpiasir, jikpiasir nba ki mok nyoot ki li baanto, u yada ji piin ki nige, ki u nyik ki ki mei Yennu ki u baka ji kaa u par nba be bianjinba po rnaan ji kpaan yiar a wun tur Sintaanii u par. Sintaanii rnarin ponj see-e par nanyer po, ki guu wun kunkoo. U ji tokii nan biit damme, ki ki loon binba tee Yennu niib na maami. Kpeennooj nba mok wantimone na rnam kpaan sonie a wun koo u saa tamme nan Yennu ninbatinu kuukoo paake din te ki u la tinnu, ki ji tee Yiisa weiro nba mok parbifaant. Dabonyunu nionj na see ki koon



6. DANNŌ NBA YET YENNU MƏB FOOTUE NA, LI MƏK NINYIMƏŶŶ

gann a wun ƙƙ. Li saa fit kii tee marin- jaann siar po, amii toonbiit yƙƙ nba ni, siaminba ki bi sii dukii nan li tee fei-e nan bin yiinƙ nikpeenn amii wunba ki ƙƙ leeb ni, ki Sintaanii beerƙ nan maruƙ nba na kuukƙ danyunu kan fit biir a seek binberƙ, ki binberƙ yana dudukit nan durinya na bona lomm tuu dƙimme.

Li pasiar wun ji piin ki laat jinjeryana manu, ki ƙƙnto niƙƙ footii nba ki ƙan nan gotu na manu, ki laat ƙƙ nan nibiit nba tƙ na manu, ki saa dant diit ni, nan durinya ni jinjeryana yana ni, ki gaan dudukbiit Sintaanii boor, ki u wantƙ nan toonbiit nba na kuukƙ ki tee biiti. Mamƙmm, ti kan fit ber nƙƙnii a bi daa yuuk ki gaar ti yura paaki, ƙaan ti sii mƙ biit tii chabib yaak ki bi ƙmakitirit ki tia tiat ti para ni, ki bia ƙaan ki bi toonbiit na pot ti ni. Tii tant ti niibisikpatik ki tur Sintaanii, u saa bib nuu na kure ki dat ti sei nan ti nalimii ki ƙƙ namm mukangbennuk na ni. Li paak Yennu kpaanit a ti nyik ti nipaauƙ dudukyanayana, ki daa jerin nan Sintaani laa lek sii tee linba kur ni. Tinin ki saan Yiisa boor, ƙƙƙ tee ti guurtƙ ki ƙƙn ti paak. ƙƙ nba be footu na ni ki dia jukbanjiak ki ƙmuut par na piak ki jiit binba sarkit ki ki loon Yiisa weiu maan nae. Bi dia bi fai lani nan bi mƙi na ki sarikit ki li ƙmuut Yiisa weira, ki lekin para nba be daamii ni, ki li kan fit la manfoor. Wun ji piin ki tiin nisaarik ƙanmaani ki gar Yennu kimaan nisaarik nba saa pak linba nan waa saa tun linba na te ki u tiinƙ ƙanmaani, wun ji kpant nisaarik daabir. Wun piin ki charii ki fƙkitir nan Yennu. Wutoor nan parbichiuƙ tuu wann bi mƙƙ yoo nba ki daamii be, ki bi yiab a bin la yiar ki ƙƙ. Yoo nba ki leeb saa tƙƙn ki mƙkitir na. Waauk nba tee funfunn daanƙ na tuu dƙkite ki dekin bƙƙ soonna, ki lii tee ki a turƙ yaak bommintik nna, wun loot gann na ki ƙƙƙn naƙ nan japaat.

Li ki paar kaa waa nan likirii lomm n bƙƙ ƙƙ ti para ni tii kii sak kpanni nba ki ti Yomdaanƙ Yiisa kpaanit na a, “Yii nyoi man ƙaan kii mei Yennu, kii tan daa ƙƙ jinjammi ni.” (Matiu 26:41). “Finin nba kur mi nan a see fanu i mi fan baa.” (1 Cor. 10:12). Ƙaant man ki ti lia jatiat nba ki Yennu turit na,



ki fit set ki kɔn nan Sintaanii kpankpaanni. (Eph. 6:11-18).

## FOOTU NBA WAA ƆANLORE NI

Footu na want daanɔ nba yet Yennu par nba tee bianjinbae u tuu be Yennu yeeɔɔɔ nie ki lemm Yendɔɔɔɔ ni piini, ki bia mɔk seyeɔɔ na ɔaan tan baa u yada ni. (Hiibru 6:4). Li bia want daanɔ nba ki nyik u toonbiit tumu paak amii u ki jii u mɔɔ ki tur Yennu, ɔaan sɔɔ u poɔ gbat Yennu maan nba ki bi yir “Labanann na wa. Daanɔ nba tee tubkangbatir ɔaan Yennu piak nanɔ, u binberɔ kpan tuu ɔamm tonte wuu leki yiab bianjinba a wun lebit u mɔɔ.

Yiisa tiɔɔ wann daanɔ nba yet Yennu mɔb binberɔ nba tee-e na a, “Nalinbiiuk i nyii niro ni u tuu linn ki ɔɔrimme ki kpaan binbe boor a wun foi, wuu kii la yiar yoo nba u tuu bet u mɔɔe a, “N saa ɔmat kun n ɔaak nie, wuu ɔmat u tuu sa baar ki sɔɔ ki u ɔaak na i yeen fanu ki siara jakint kaa, u tuu ɔmat nyie ki saa kpaan narinbiit nba gar u paak banlore ki bin pukin u po ki baar be. Lii teen nna ki gbenn niro na binberɔ ji tuu bi ki gar waa bo tee bianjinba sinsinn na.” (Luk 11:24-26). “Linba baarib na want nan barijok na tee monie a; ‘Bɔkii sii u bia tuu ɔmat ki die, ki Dooriki wur u tuu ɔmat saan duk sibotoouko.” (2 Peter 2:22).

Karun na kpan wanne fanu fanu daanɔ nba yet Yennu mɔb amii daanɔ nba ki nyik toonbiit tumu na par nba tee bianjinba. Sintaanii nan u faak tuu jene ki tan be par na ni, ki ɔmakitiro waa sii tuun bianjinba. U numpo tuu wann fanu u par nba tee-e. Seyeɔɔ na, nba tee lanjerik na, li tuu paakɔe kiwun nyi par na ni, ki maan Sintaanii nan seyeɔɔ kan fit lakin be boyennkɔɔ. Li paar bonchiann nan par na-i tee Yennu ɔaak ki bia kii tee Sintaanii binbe boor. Malaka na, nan Yennu mɔmaan na tee lii be nibaatire ɔaan bia jiatir gorii ki mɔk tamma nan daanɔ na saa ɔmat lebit u binberɔ nan bi bot kak na, ki mɔk tamma nan u saa di nan doorii burgbɔta ni, ɔaan ki sɔɔ ki teenɔ jeet-e, li poorpo ki u yam jen ki u yaa. “N saa ɔmate ki kun n baa boor ki sa yetɔ a n baa, n tun



7. DAANŃ NBA YET YENNU MŃB NAN TUBKANGBATIR  
DAANŃ PAR

ki biir Yennu nan fin kura wa. N ji ki njan nan fan yiinin a bija.” (Luk 15:16-20). Chanba na nba la u bik nimbaatir na ki u nyik chabɔ njan gaarɔ nan parpeenn.

Par nba be footu na ni na want nan lebitu nyinn kaa u ni, u kan njan Yennu paak, u ki kpaan nyikinhab Yiisa boori, u yan tee nan bontonne funnir ki li ji ki tuun toonn na, u mɔk tuba njan kan fit gbat Yiisa kuunkɔr nba barin na. U mɔk ninbina njan kan fit la Yendɔn ni muu bootsunsun nba dɔɔ ki yaa u tɔonn po na. U ji ki tiin fei nan biit tumu. Sintaanii baar ki be u par nie ki ji kar u naan kok paak. U lek saa fit fa parbiir nan u tee kasii ki mɔk chɔrun u Yenweiu ni, njan u tee nan kaauk nba ki bi tuu teenɔ pent peerɔ “ki li fan li nanyer po njan li nɔk ni tee kpaba nan gbananpɔɔna nae.” (Matiu 23:27).

Faak chamba-e ji gaar barmɔni seek yiar. Bonkob booru kur; nan toon biit kur mɔk bi sebiit nba ki njan nan nɔɔ tuune ki tuu taan gbee u par. U mɔn bo loon wun nyi jammi na ni, njan bi tuu jii jaruko ki bobinɔ. “Wunba kur yet Moses sennu na bi din tuu kpiue ki kan tinɔ ninbaauk lii tee ki bi bu u buut ki sɔɔ ki u mɔk biit, ki niib banlee koo bantaa dii siara ki wumba ji yet a Yiisa ki tee Yennu bik-i? Ki Wunba ki chɔrin Yennu mɔlor, sɔn nba wuur u biiti? Ki Wunba sukii seek nba tee piisin seek na? Njanmit dakin u tubidatu nba tan sii tee bianinba.” (Hiibru 10:28-29; 2 Peter 2:1-14).

A par i tee nan par nba be footu na ni na n yɔk, fan bui ki tur Yennu mɔtana, a par niwa. “U saa fit tinnib, mɔtana nan yoo nba waa kur ki sommit damm nba kur baar Yennu boor, nɔɔ Yiisa sann ni.” (Hiibru 7:25). U saa fit nyik chab ti biit lii tee ki ti lebit ti para nan barmɔni, u saa fit kɔn nan Sintaanii nan biit nba kur be, ki berib a par ni, lii tee ki ti loon wun tun nna. I baat na, nan gbaatir nba din baar Yiisa boor ki yaa, “Lii tee ki a loon fan te kin gbanant n njan, ‘Yiisa din gbee nan ninbaauk ki tant u nuu ki sii u Yiisa jiin a,’ N loon man teba. ‘A gbanu n njan.’” (Mak 1:40-41). Njan lii tee ki a tukin nan a tubkangbatir ki loon bunbɔnn njan nyik

yentu tamma kaa, sommir kaa kimaan a gann kuume n̄aan nyik manfoor. “Biit nyɔɔt kuume.” (Rom. 6:23).

## FOOTU NBA WAA ŋANNIIN NI

Footu na ni, ti la tubkangbatir nba gaant yoo nan wun wei Yiisa ki dukii a yoo daa yabaa, na nba ji per kuumme. U gbanant gbee nan tonte ki seek ji tiin kuun janmaan. Kuun (kpabaa na) baar yoo nba ki n bo ki daanɔ ki bia ki loonɔe. Faak lomm nba nyi biit tumu ni na kur tine n̄aan nyikɔ, ki u took wahala nan bubuuk. Yendɔurɔ ni muu na tont ji baat u boor ki tee mɔni. Ki u ji sun man wun miar Yennu n̄aan li yoo gara, u ji kan fit pak nan Yennu kimaan u porɔ yet Yennu ki li fok bonchiann ki u yɔɔsnba ji tiinɔ janmaani nan bii see u baat dɔɔnu boor, ki bi korurɔ nan bi mɔsonmana na kur kan fit sommɔ li yoo yoo marɔ paak. U mɔkint kan fit fokin u manfoor, amii ki fat u seek amii ki waan fara nba ki u seek di na. Li paar bonchiann nan wun fit tun linba ki Yennu loon, kimaan Sintaanii ki chabɔ yaak a wun tun nna.

Waa tuu loon ki bia be bona nba kur paak ni na, ji naan bi sarikitɔe, mantik chɔɔs tɔɔnndaanɔ, li pasiar u ki tee barmɔnpakirɔ koo ki tee mantɔɔ koo kitee chɔɔs tɔɔnndaanɔ nba kur ki u ji kan fit sommɔ mɔtana, kimaan waa yet Yennu ki kɔɔ u buut ni na. Wun ji piin ki bant nan “Li tee janmaansooruko nan sɔɔ n kɔɔ Yennu nba fo na wutoor ni.” (Hiibru 10:31). U sii dukii nan wun jii u mɔrɔ ki tur Yennu yoo nba ki u loone koo wuu tanɔrɔ dɔɔ u kuun dɔɔnu paak, n̄aan u ji la nan li yoo gara. Niib tusaa tusaa tuu tan kpo yomme ki kan la yaak nba ki u saa jiant Yennu paak yoo nba ki bi dɔɔ bi kuun dɔɔnii paak na. Li paak li kpaa talas bonchiann ki fan jen Yennu boor yoo nba ki u kpia-a na. Waa bo sii gbia Yennu kunkɔr nba teenɔ mosonɔanna na ki biit daanɔ nba ji saa kuun na yet Yennu nyikinichab nan Yennu lomm, waa bo be u manfoor ni yoo nba nae u ji gbia u buut daanɔ na kunkɔre, Yomdaanɔ nba ki u bo yetɔ a, seetir n na, Yennu porɔ pora mɔba, seetir n boor fininba ki Yennu biak be a paak na, kii saa mukangbennuk nba ki



8. FOOTU NBA WAA ȨANNIIN NI

Yennu joo ki tur Sintaanii nan u malaka nba na ni. (Matiu 25:41). “Soo kura saa kpo yomme li poorpo ki Yennu n bu ti buut.” (Hiibru 9:27).


## FOOTU NBA WAA ņANYIA NI

Footu na want Yiisa weiro nba see fanu ki fit kon nyann Sintaanii bikinae. Bikina na baate li kur po ņaan ki u yabir u moņ paak ki see kenken ki tuu li joontu. Yiisa Masia sommrie ki u fit kon nyann. U ki koo Yiisa weiu binberņ ni koo kaa, ņaan u poņ be li nie ki tuun u toona nan ninbinmōni. “Ki kpaa u ninbina Yiisa paak, wunba ki ti yada be u ni pinpiik nan joontik kur ni na.” (Hiibru 12:1-2).

Sintaanii nan u nalinbiit kur see-e ki lint yada par na, ki kpaan sōni nba ki u saa ņmant par maņ, ki kōonir muuk ņaan gbar. Parbifaant nan lik-lomm, nan bonchichonsin nan bonlia nba pukin ki be ar ni. Naamuuk na nba tuu be sian na boņe ji be leņ, kimaan biit ki baat sōnjoyenn koo ni kaa yennyoo u tuu lebit u ninnaun koo u sanne. ņaan Yenweiro nba chek ņaarini mi Sintaanii, wuu lekii baar nan jiant-booru nba amii wuu lekii baar nan yentu malaka na, kimaan Yennu mōmaan nan seyeenņe tuu wannō mamōmm na. Joo nba see ki dia daan na, waae ki lintir Yenweiro na, ki loon wun kōon u niaunņ nan durinya ņaamanu. ņaan linba na kur kan fit lebit Yenweiro na par, kimaan u poņ kpo nan Yiisa wa, ki u wuur u biit nan durinya na ņaamanta. Jaloo nba mun be na dia jukbanjiake ki ņmuut Yenweiro na. Ki tee sukut nan sanjaauņ nan sariku nan jeentu, ki li nyi binba ki tee Yenweira ni. ņaan mantik binba yaa bi tee Yenweira na, bi ņmuut Yenweimōnō pare. U ki gbiit linba ki niib piak ņaan u baka be Yennu nba ya linba ni kōōe. U tian Yiisa mōbona nae a, “Parpeenn tee binba ki bi sukiib ki sarikitib, ki fa faabooru kur, bi paab kimaan baa tee n weira na paak. I mōk parpeenn man kii kpamm, ki maan i paauk poņ teen siire wa ki guui Yendōun ni.” (Matiu 5:11-12).

Ti yanbōnn binberņ nan Sintaanii yiabe yoo kur, ki loon bin





9. FOOTU NBA WAA IJANYIA NI

bokitit nan Yennu n̄aan Yenweirɔ nba mɔk parcheenn nan parpeenn saa fit yet a, “Ŋmee saa fit nyinnit nan Yiisa lomm ni? Ti biak dinu amii, maan amii, sukut amii, kon amii, namu amii, parbiir amii, kuume?” (Rom. 8:35). “Aai, linba na kur tee yanne, kimaan ti la nyannu kur Yiisa Masia, wunba loont na paaka.” (Rom. 8:37). Waa lia Yennu tɔb liatir na, u saa fit took sintaanii tɔb na wa. Dabiir daar na-l baar, ki u kɔn ki saa tuu li paak ki bia daa be Yiisa ni, wunba din la nyannu bikina booru kur ni na, u nie ki ti saa la nyannu, ki gaar fokirik nba gbee nan Yennu paŋ ki kan mi siir na. (Eph. 6:10-18; 1 Peter 5:4).

**ŊMAABIR** nba tee u dudukit ni fane ki yeen u par gbee nan yada nan Yennu seyeerɛ. Mlalaka nba tee Yennu mɔmaan na tianɔ piisin nba ki Yennu teen daanɔ nba kɔn nyann ki see nan li joontu na. “Binba kɔn ki nyann n saa turib yaak ki bin di manfoor tiik be Yennu kpabik ni na loonn.” “Binba kɔn nyann bi ji kan kpo kuun munlee na.” “Binba kɔn nyann n saa turib maana nba be bɔr ni na. Ni bia saa tur sɔɔ kur tanpeenn nba ki sanpaann sɔb li paak na.” “Binba kɔn ki nyann ki saa tuu li joontu ki tun linba ki n loon, n saa turib paŋ nba ki n gaar n baa boor na.” “Binba kɔn ki nyann n saa lannib tapeenni ki bia kan nyinn bi sana manfoor gbouŋ na ni. N chamba nan u malaka nba na boor n saa ye nyin-nib paanu ni nan bi tee n yabe.” “Wunba kɔn ki nyann n saa teenɔ jaantalike n baa n̄aak ni, ki u kan min nyi leŋ.” “Wunba kɔn ki nyunan n saa too ki wun kar n naan kok na paak na maa kɔn ki nyann ki kar n baa kok paak bianjinba na.” (Fiitu 2:7,11,17,26; 3:5,12,21).

**LIKIRII BɔɔRIK NBA KI MɔB YAA NA.** Mun want nan u par kɔɔ kaa n̄aan nan u likirii kure ki u jii tur Yennu waa bo saa jii likirii maŋ na ki biir na, u dia ki sommit talas damm ki pa u bona piik yenn ki pi Yennu piinii ki jikit u bona kur ki tuun Yennu toona a lina maŋ Yennu.

**BOROBORO KUNN NAN JAŊ.** Na want nan u be binberŋasin ni ki bia mi u mɔŋ dianu, u ki biir u mɔŋ nan dapaarin amii



ki di jeet nba tee jakint. (Toona 15:20). U ki biir u likirii u bia ki biir u mɔŋ gbanant (Linba tee Yennu ŋaak na nan tab nyunu nan tabpianu amii ki nak nyɔkbina nba yib na ŋaan u di jɛŋante jeet, nba saa tur nirɔ paŋ nan laafia, u tiɔŋ par ji kpant Yenmiaru ŋaake. U bia saa chɔɔse ki mɔk chɔruŋ bont kur ni. U loon Yemmiaru, laa tee chɔɔs ni amii ŋɔɔ nan u ŋaateeb ni, amii u diiuk ni, kimaan u mi nan Yenweirɔ kan fit kpaat lii kii tee ki u piak nan Yennu miaru ni-i kaa.

**GBOUŋ NBA LOOT NA.** Want nan Yennu gbouŋ nba loot ki yaae ki bi karin daar kur, ki laat yan nan bannu nan paŋ nan manfoor nan yentu nan mɔkituk nba kur be li ni. Li kpant fitire linba teenɔ yeeuŋ ki tee jukbanjiak ki u dia kɔn nan Sintaanii na. Li tee daar kur naliŋ jeete ki tur u seek, ki tee nyun nba saa kpeen n nyunnyukiru, nyun nba ki u saa wur kii ŋan, nan mianu nba ki u sii laat u mɔŋ li ni na. U loon u dapunpunn jiinu, kimaan u mi nan dapunpunn na paaki kaa siara paauk kaa. Waa mi nan u fiir kuun ni nan Masia na, ki u ji sii be binberpaann ni. U jii u par kur teen lej bona maŋ paake, na u yan kur ki li maa Yendɔuarŋ bona maŋ paak, lii ki tee bona nba be tingbouŋ na ni kaa. (Col. 3:1-2). U teen siir nan wun chet Yennu u tee nan tiik nba tuu pia kpengbiouŋ nae. U yoo-I jaŋ u tuu lone (Yaŋ 1:3); ki tee nan tiik na mɔŋ yiinu na, ki loon loɔna bonchiann. U ki tiin jaŋmaani nan wun kpo, kimaan Yennu lomm nba ki u gaar Yennu boor seyeerŋ paŋ ni na gbee u para.

### **FOOTU NBA WAA PIIK NI**

Yiisa yet a, “Mine tee kuun fiiru nan manfoor tur tɔɔ. Wunba kur teenin yada waa lek kpo na ŋaan u sii bee; ki wunba fo ki mɔk yada nanin kan mi kpo.” (Jɔɔonn 11:25,26). “Wunba kur gbia n maan ki bia teen yada nan wunba tumin na, u sii mɔk manfokangbennuk sɔɔ kan bu u buuti ŋaan u porŋ nyii kuun ni ki ji be manfoor nie.” (Jɔɔonn 5:24). Kuun jaŋmaani amii tubdatu ki tee Yenweirɔ siari. N biir kuuma; nyannu mun porŋ nyann gbenna kuun a nyannu na belia? Kuun a tonu na be lia? Ti teen Yennu niipoouk nan waa teent nyannu ti



10. FOOTU NBA WAA PIIK NI

Yomdaano Yiisa Masia paak na. (1 Cor. 15:54-57).

Daano nba tuu somm nan Yennu ki tiin kuumi. Yoo-i baar nan wunba saan u saa saan, nan parmaasire nan Yennu sokinii Poo! nba yet bianjinba na a, “N loon man nyik man-fosiar nba nae ki saan kii be Masia boor njaanne mantik nan.” (Phil. 1:23).

Masia weiro guu wun la Yiisa numpoe, wunba din kpo dapunpunn paak ki pa u biit paak na. Yennu seyeen na mun tiano Yiisa mabonae a, “I daa mok parbiir-i. Teent Yennu yada ki mun teenin yada. Diit bonchiann be n baa njaak ni. N bia saa jen ki tan jii-i, kii tan sii be siaminba ki n be na.” (Joonn 14:1-4). Linba ki niru ki mi la amii ki gbat-i amii ki dukin nan li saa tun na, njaanne ki Yennu nammir ki guun binba loono na. (1 Cor. 2:9). Maboorsau kaa ki niro saa jii wann fanu amii ki wann Yendouj ni doo nba ki Yennu teen ki guun damm nba waa Yiisa binberj tingbouj na ni.

Foot joontik na ni ti saa la nan malaka amii Yennu tontii ji see-e ki loon wun nmat koo nan nalingani na Yennu boor, li ji ki tee kpaba na kaa (kuun, seek nan nalin na ji fat bi moj ki nyii dansirik nba tee gbanant na nie, ki saan Yiisa nba daan loom ki kpo bi paak na boor Yendouj ni. U loot sei nan nalimi nae dansarik ni wa, ki bi ji be bi yama ni, ki ji do ki koo Yendouj ni tammob na ki saa Yiisa boor, wunba loon ki din kpo bi biit paak dapunpun paak na. U parpeenn nyinu po guu-ue Yennu boor siaminba ki u Yomdaano saa foonto nan dontir mabona na a. “N faan, a tee daabijanoe, ki bia tuun fanu. Parpeenn nba ki n mok na, li ji tee min nan fin yare.” (Matiu 25:21). Sintaanii ji ki mok a paak yaaki, “kimaan talas daano na din kpo ki malaka nba baar jiuu ki u saan kar Abraham boor Yendouj ni.” (Luk 16:22). “Ki n gbat kunkor nyii Yendouj ni ki yeen a man sob maan na. Laa nyii motana ki saa, damm nba kpo ti Yomdaano sonu ni na paak. Kimaan bi toona nyoot nae waa.” (Fiitu 14:13).

## KPAAN JOONTII

N yock, Yennu n somma ki fan jii a par ki tur daano nba loona na kimaan u piak nana a, “Jenin n boor nan a par kur.” (Deut. 30:2). Jiin a par nba bak ki ki mok dindann na ki tur Yiisa, ki u saa tura parpaann nan yanpaann. A daa te ki a par nba tee faak daano na kpanna ki a waa u lommi, “Kimaan nisaarik par nie ki dudukbiit baat nan poo weiu nan jab weiu.” (Mak. 7:21). Nyikin toonbiit na gnan kii dia linba fan, “Kimaan toonbiit nyoot tee kuume gnan Yennu piini tee manfokagbennuko ti Yomdaano Yiisa paak.” (Rom. 6:23).

Ki fininba jii a manfoor ki tur Yennu a, “I dia maa din wana bargnani sonu nba na fanu, kii waar nan yada nan lomm nba ki Yiisa Masia teent na.” (2 Timoti 1:13). Linba na paake ki Pool sob a, 2 Timoti 1:12, “N mi maa jii n moŋ ki teen wunba nuu ni, n mi ki birsuk kaa nan u saa fit dia linba ki u jii teen n nuu ni na fanu mokmok nan joontu daar na ni. Yabit ki kpaat nan yada Yennu sann ni, miat Yennu u seyeen yiiko ni. I dia a moŋ Yennu lomm ni, ki kpa a ninbinna Yiisa paak, wunba tee sonu nan mamomm nan manfoor na. Ti Yomdaano mar saa jen motana ki tan jii u waas. “Kpambara kur kpanbar nan Yomdamm kur Yomdaano.” (1 Timoti 6:15).

Yennu saa fit guui ki i daa baa, ki saa baar nani u toonn, yentsaakar ni, ki i ki mok biit, ki i sii mok parpeenn bonchiann; gao nba tee Yen-yenoko ki tinnit ti Yomdaano Yiisa Masia paak na, u yen paku nan yent nan par nan bont kur yudant, yoo nba din gar na, nan motana, mokmok nan mokmok. Mamomm. (Jude 24,25).

**A SPECIAL WORD FROM ANGP**  
**UN MONDE SPÉCIAL DE L'ANGP**  
**UMA PALAVRA ESPECIAL DA ANGP**

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from [www.angp-hb.co.za](http://www.angp-hb.co.za) or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de [www.angp-hb.co.za](http://www.angp-hb.co.za) ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialectos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de [www.angp-hb.co.za](http://www.angp-hb.co.za) ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

**l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.**

**As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.**



**Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.**

**If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.**

**Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.**

**Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.**

**Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.**

**Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos**

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratufamente a literatura evangelica, livros e folhetos em mais de 538 lnguas diferentes escreva para:

E-MAIL: [info@angp-hb.co.za](mailto:info@angp-hb.co.za)  
[info@angp.co.za](mailto:info@angp.co.za)

**ALL NATIONS GOSPEL PUBLISHERS**

**P.O. Box 2191**

**PRETORIA**

**0001**

**R.S.A.**

**A Gospel Literature Mission financed by donations**  
**Une Mission de litterature evangelique financee de dons**  
**Missao de literatura Evangelica financiada por donativos**

(Reg. No. 1961/001798/08)